

समे — 12:25

<><><><><><>

खबरां

President

संसद दा बजट इजलास राष्ट्रपति द्रौपदी मुर्मू हुंदे आस्सेआ दौनें सदनें दी सांझी बैठक गी संबोधत करने कन्नै शुरू होआ। अपने संबोधन च उनें आखेआ जे सरकार महिलाएं दी अगुवाई च मुख्य गी सशक्त बनाने च विश्वास रखदी ऐ। नारी शक्ति वंदन अधिनियम राएं लोकसभा ते विधानसभा च महिलाएं आस्तै आरक्षण इसमेठा इक महत्वपूर्ण गैह ऐ। उनें आखेआ जे राष्ट्रीय ग्रामीण आजीविका मिशन तैहत् केई सारे आप सहायता समूहें गी सशक्त कीता जा'रदा ऐ। मुख्य दी 10 करोड़ थमां बी मती महिलाएं गी एहदे राएं जोड़ेआ गेआ ऐ। उनें ड्रोन दीदी योजना दा बी जिक्र कीता जेहदे राएं महिलाएं दा आर्थिक ते तकनीकी तौर पर सशक्तिकरण कीता जा'रदा ऐ। उनें आखेआ जे साढ़े मुख्य दे युवा स्टार्टअप्स, खेड्ड थमां लेइयै खल्ला तगर हर क्षेत्र च मुख्य दा नां रोशन करा'रदे न। My Bharat पोर्टल राएं लक्खां बद्धे युवा राष्ट्र निर्माण दे कम्में च जुड़ा'रदे न। अपने अभिभाषण च उनें उधमपुर, श्रीनगर, बारामुला रेल लिंक परियोजना दा बी जिक्र कीता। उनें आखेआ जे एह परियोजना 100% पूरी होई गई ऐ ते हुन मुख्य कश्मीर थमां कनयाकुमारी तगर रेलवे लाईन कन्नै जुड़ी जाग। इस महत्वकांक्षी परियोजना तैहत् चनाब पुल दा निर्माण होआ जेहड़ा दुनिया दा सब्बने थमां उच्चा रेल पुल ऐ। उनें अंजी पुल दा बी जिक्र कीता जेहड़ा मुल्वा दा पैहला रेल केबल पुल बनेआ ऐ। उनें आखेआ जे किश हफ्ते पैहले गै भारत मौसम विज्ञान विभाग दे 150 ब'रे पूरे होए। उनें गलाया जे सरकारै 2 जहार

करोड़ रुपे दी लागत कन्नै मिशन मोसम दी शुरूआत कीती जेहदा लाह करसानें
गी होग।

<><><><><><>

PM Budget

बजट सत्र दे शुरू होने थमां पैहले प्रधानमंत्री नरेन्द्र मोदी होरें मीडियागी संबोधत
कीता ते लोकतांत्रिक मुख्य दे तौर पर 75 ब'रे पूरे होने पर मान जाहर कीता।
उनें वैश्विक सतह पर मुख्य दी मजबूत स्थिति गी उजागर कीता। उनें आखेआ
जे जनता नै उनेंगी त्रीह बारी मुख्य दी जिम्मेदारी सौंपी ऐ ते एह बजट इस
कार्यकाल दा पैहला बजट होग। प्रधानमंत्री होरें भरोसा जताया जे 2047 ब'रे च
भारत जिसलै आजादी दे 100 ब8रे पूरा करोग तां मुख्य विकसित भारत दे अपने
संकल्प गी पूरा करी लैग। एह बजट नीह दे तौर पर कम्म करोग।

<><><><><><>

LoC Poonch

पुंछ जिले आली कब्जा रेखा कन्नै लगदे इलाके च घुसपैठ दी इक कोशश गी
सेना आस्सेआ नाकाम बनाया गेआ। वाईट नाईट कोर मूजब घुसपैठ दी एह
कोशश खरी करमारा इलाके च नाकाम बनाई गई। सुरक्षा बलें संदिग्ध
नकलोहरकत दिक्खी, दौने भेठा थमां गोलीबारी होई। इस्सै गोलीबारी च 2
आतंकवादी मारे गे। तपाशी दरान असला बरूद ते थेआर बरामद कहते गे।
इलाके च अभियान अजें जारी ऐ ते होर ब्यौरे गी बलगेआ जा'रदा ऐ।

<><><><><><>

LoC Addition

तोआई डोडा जिले च आतंकवादिएं दी संदिग्ध नकलोहरकत दिक्खे जाने परेंत सुरक्षाबलें आस्सेआ इलाके दी घेराबंदी करियै तपाशी अभियान शुरू कीता गेआ ऐ। एह अभियान पुलस ते सीआरपीएफ आस्सेआ दोरहू बसती च चलाया गेआ। किश मकामी लोकें इलाके च संदिग्ध नकलोहरकत दिक्खी ते पुलस गी जानकारी दित्ती जेह्दे मगरा एह अभियान चलाया गेआ।

<><><><><><>

Dy. CM

उपमुख्यमंत्री सुरिन्द्र चौधरी होरें सेरी च लोकें तगर पुज्ज बनाने सरबंधी कार्यक्रम च हिस्सा लैता। एह्दे च मकामी सतह दे मसले ते विकास कम्में दा जायजा लैता गेआ। इस दरान मकामी लोकें जिनें प्रमुख मामलें गी पुट्टेआ, उंदे च बहु मंजला सरकारी दफ्तर, स्कूल दा दर्जा बधाना ते मैडिकल ते शैक्षणिक अमले दी कमी गी दूर करना हा। लोकें बुनियादी सेहत केन्द्र च एक्स रे मशील लाने, नमें वैटनरी केन्द्र ते बिजली सरबंधी ढांचे गी बेहतर करने जनेह् मामले गी पुट्टेआ। चौधरी होरें इनें मसलें दे फौरी हल दियां हिदायतां दित्तियां त'जल जीवन मिशन आले कम्मै गी हिदायतें मूजब करने दे निर्देश बी दित्ते। उनें पानी दे संसाधन कश खनन सरबंधी गतिविधिएं गी रोकने दियां बी हिदायतां दित्तियां।

<><><><><><>

DC Poonch

पुंछ दे डिप्टी कमीशनर विकास कुंडल होरें नशीले पद्धार्थे दे माड़े असर बारे जतन गी मजबूत करने दे सरबंधे च इक बैठक लाई। नशा मुक्त बनाने लेई सब्बने दे सांझे जतनें पर जोर पाया। उनें तम्बाकू विक्रेताएं पर जुर्माना लाने लेई बी गलाया। डिप्टी कमीशनर होरें नशीले पद्धार्थे दी तस्करी, संदिग्ध तस्करें ते

हिरासत च लैते गेदे अपराधिणं कन्नै जुड़ी दी संपत्तिणं दा पता लाने लेई गलाया। अजें तगर 15 पंचैतें गी नशा मुक्त पंचैत घोषत कीता जाई चुके दा ऐ।

<><><><><><>

Banihaal

सरकार ग्रामीण इलाके च रोजगार दे मौके पर करने ते लोकें गी आत्म निर्भर बनाने दे जतन करा'रदी ऐ। एहदे लेई सारे जतनें दी शुरूआत होई ऐ। इंदे च इक ऐ खाने पीने आली चीजें गी डब्बा बंद करने लेई भलेआ, लौहके उद्योगी केन्द्र पीएमएफएमई कायम करना। रामबन च भलेआ अज्जै कल्लै दिणं सुविधाणं कन्नै लैस आटे ते मसाले आले केन्द्र कायम कीते गे न। एहदे कन्नै नां छड़ा मकामी अर्थबवस्था गी बढ़ावा थ्होग, सगुआं खित्ते च म्यारी उत्पाद बी हासल होंगन। बनिहाल दे इक युवा उद्यमी शबू अहमद तांत्रे नै इक मिल कायम कीती ऐ। एहदे राणं मकामी युवाणं लेई रोजगार दे मौके बी पैदा होआ'रदे न।

<><><><><><>

PM-US Plane

अमरीका एयर लाइन जेट विमान ते अमरीकी ब्लैक हॉक हैलीकाप्टर बश्कार हवा च होई दी टक्कर च 64 लोकें दी मौत होई गई ऐ। अमरीकी राष्ट्रपति डोनाल्ड ट्रंप होरें इस गल्ला दी तस्दीक कीता ऐ। कल रातीं पत्रकारें गी संबोधत करदे होई ट्रंप होरें आखेआ जे प्रशासन हादसे दे कारणें दा पता लाग ते एह जकीनी कीता जाग जे ऐसी घटना परतियै नेइं होए। प्रधानमंत्री नरेन्द्र मोदी होरें इस हादसे पर दुख ते बसोस जाहर कीता ऐ। अपनी इक सोशल मीडिया पोस्ट च प्रधानमंत्री होरें सौगी परोआरें प्रति संवेदना जाहर कीतियां। उनें अमरीका दे लोकें कन्नै इक जुटता बी जाहर कीती।

<><><><><><>